

## **Visit Greenland A/S'ip**

### **ilumini ileqqoreqqusai**

Ilisarnaat A/S 203075

#### **1. Taaguutit aamma saniatigut taaguutit**

1.1 Inuutissarsiornikkut suleqatigiiffiup taaguutigaa Visit Greenland A/S

1.2 Inuutissarsiornikkut suleqatigiiffiup saniatigut taaguutigai:

1.2.1 Kalaallit Nunaat Tikeraaruk A/S (Visit Greenland A/S)

1.2.2 Besøg Greenland A/S (Visit Greenland A/S)

1.2.3 Greenland Tourism A/S (Visit Greenland A/S)

#### **2. Sumiiffik**

2.1 Inuutissarsiornikkut suleqatigiiffiup sumiiffigaa Kommuneqarfik Sermersooq.

#### **3. Siunertaq**

3.1 Inuutissarsiornikkut suleqatigiiffiup Kalaallit Nunaanni takornariaqarnikkut ilisimasaqarfittut atuunnissi siunertaraa. Kalaallit Nunaata takornariaqarnikkut immikkoorutilittut ilisimaneqarnera aammalu tikitassatut siuarsarnissaa sulissutigissallugit siunertaraa. Kiisalu Kalaallit Nunaanni takornariaqarnikkut inuutissarsiutip takornariaqarnikkullu susassaqtitsiviit siuarsassallugit inerisassallugillu.

3.2 Inuutissarsiornikkut suleqatigiiffiup siunertaraattaq misigisassaqtitsivinnik inuutissarsiuteqarnerup aammalu assassornikkut inerititaqarsinnaanikkut eqqumiitsulianik inuutissarsiutip siuarsarnissaat.

#### **4. Akisussaaffigalugit aningaasaliissutit**

4.1 Inuutissarsiornikkut suleqatigiiffiup akisussaaffigalugit aningaasaliissutai annertussuseqarput 4.000.000 kr.

4.2 Akisussaaffigalugit aningaasaliissutit uppernarsaatinut nalilinnut agguataagaapput, uppernarsaat ataaseq aalaakkaasumik naleqarluni 1.000 kr. imal. qasseriaatinngortinneqarnera naapertorlugu.

4.3 Akisussaaffigalugit aningaasaliissutit tamakkiisumik matussusigaapput.

## **5. Uppernarsaatit nalillit pisinnaatitsinerat aammalu niuerutigisinnaanerat**

- 5.1 Uppernarsaat immikkut ataaseq aalaakkaasumik nalilik pisinnaatitsivoq, inuutissarsiornikkut suleqatigiiffiup ataatsimeersuarnerani taasisinnaanermik ataatsimik.
- 5.2 Inuutissarsiornikkut suleqatigiiffiup uppersarsaat nalilik niiverutigisaa, piginnittup aqqa naapertorlugu aammalu piginnittup aqqa inuutissarsiornikkut suleqatigiiffiup uppersarsaatinut nalilinnut nalunaarsuivianut allassimassaaq.
- 5.3 Uppernarsaatit nalillit niuerutigineqarsinnaanngillat.
- 5.4 Uppernarsaatinik nalilinnik piginneqataaneq uppersarsaaserneqassanngilaq. Uppernarsaatinik nalilinnik piginneqataaneq kingusinnerusukkut uppersarsaaserneqassappat, taakku uppersarsaatit nalillit pineqartut niuerutigineqarsinnaanngitsut paatsuugassaannngitsumik erseqqissumillu allaqqassapput. Uppernarsaatit nalillit periarfeerussat eqqartuussivikkut aaliangiisoqanngikkaluq atortussaajunnaarsinneqarsinnaapput, uppersarsaatit nalillit niuerutigineqarsinnaanngitsut atortussaajunnaartinneqartarnerat pillugu maleruaqqusat qaqugukkulluunniit atuuttut naapertorlugit.
- 5.5 Uppernarsaat nalilik immikkut pisinnaatitsinngilaq. Uppernarsaatinik nalilinnik piginneqataasut arlaannaalluunniit pisussaaffeqanngilaq uppersarsaatit nalillit pigisani tamakkiisumik ilaannakortumilluunniit aningaasannngortissallugit.

## **6. Uppernarsaatinut nalilinnut nalunaarsuivik**

- 6.1 Uppernarsaatit nalillit tamaasa eqqarsaatigalugit siulersuisut, inuutissarsiornikkut suleqatigiiffiup uppersarsaatinut nalilinnut nalunaarsuiveqassapput.
- 6.2 Uppernarsaatinut nalilinnut nalunaarsuivimmu, uppersarsaatinik nalilinnik piginneqataasut tamarmik nalunaarsorneqassapput aqqi, sumi najugaqarneri aammalu uppersarsaatit nalillit pigineqartut qassiunerat aallaavigalugit.
- 6.3 Uppernarsaat nalilik allamik piginnittoqalersillugu, inatsisit ileqqoreqqusallu piginnittuulernissamut akimmisaartitsinngippata, uppersarsaatinik nalilinnik piginneqataasup nutaap aqqa uppersarsaatinut nalilinnut nalunaarsuivimmu allanneqassaaq, piginnittunngortup tamanna ujartorpagu aammalu uppersarsaammik nalilimmik piginnittunngornini uppersarsarpagu.
- 6.4 Uppernarsaammik nalilimmik piginnittup imal. qularnaveeqqutit piginnittup qinnutigippagu, inuutissarsiornikkut suleqatigiiffiup inuup pineqartup pisinnaatinneqarnerata uppersarsaatinut nalilinnut nalunaarsuivimmu nalunaarsorneqarnera uppersarsassavaa.

- 6.5 Uppernarsaatit nalillit pillugit nalunaarsuivik, uppersarsaatinik nalilinnik piginnittunut, pisortaqarfinnut aammalu inuutissarsiornikkut suleqatigiiffiup sulisuisa sinniisaannut qimerloorneqarsinnaatissavaa. Siulersuisuni ilaasortassatut ataatsimik arlaqarnerusunilluunniit sulisut toqqaanissamut atunngisaminnik pisinnaatitaappata.
- 6.6 Inuutissarsiornikkut suleqatigiiffiup aammalu ulluinnarni aqutsisut, kiisalu inuutissarsiornikkut suleqatigiiffimmi sulisut siuttuusut, pisussaapput inuutissarsiornikkut suleqatigiiffimmut, taassumalu ataani inuutissarsiufigalugu suliffeqarfiusinnaasunut uppersarsaatit nalillit piginneqataassutitik, inuutissarsiornikkut suleqatigiiffiup uppersarsaatinut nalilinnut nalunaarsuivianut allassimatissavaat.

## **7. Ataatsimeersuarneq**

- 7.1 Uppersarsaatinik nalilinnik piginnittut inuutissarsiornikkut suleqatigiiffimmi aaliangiisinaanikkut pisinnaatitaanerata ataatsimeersuarnermi atorneqassaaq, uppersarsaatinik nalilinnik piginnittut ataatsimoorlutik tigussaasumik aaliangiinerit allatut periuseqarfiginissaanik isumaqatigiissuteqarsimanngippata. Aaliangiinerit tamarmik inuutissarsiornikkut suleqatigiiffiup isumaqatigiissutit pillugit nalunaarsuivianut allanneqassapput.
- 7.2 Inuutissarsiornikkut suleqatigiiffiup ataatsimeersuarnera sumiiffimmi ingerlanneqassaaq, uppersarsaatinik nalilinnik piginnittut ataatsimoorlutik ataatsimeersuarneq sumiiffiup avataani ingerlanneqarnissaa tigussaasumik isumaqatigiissuteqarfigisimanngippassuk.
- 7.3 Ataatsimeersuarneq nutaarsiassaqaqtitsivinnut ammavoq. Ataatsimeersuarnermi aaliangiivigineqassaaq, ataatsimeersuarnerup nalaani nutaarsiassaqaqtitsiviit assiliisinaanerat aammalu qanoq assiliisinaanatigerat.
- 7.4 Uppersarsaatinik nalilinnik kinaluunniit piginnittoq, ataatsimeersuarnermi pisinnaatitaavoq qulaajagassaaq aaliangersimasooq qaqissallugu suliaritissallugulu, uppersarsaatinik nalilinnik piginnittup qaqeqqusaminik piumasaqarnera ima siusitsigisukkut pisimappat, ileqqusumik ataatsimeersuarnermi oqaluuserisassanut ilanngunneqarsinnaalluni.
- 7.5 Uppersarsaatinik nalilinnik piginnittoq kinaluunniit ataatsimeersuarnermut najuussinanaatitaavoq, oqaaseqarsinnaatitaalluni aammalu taasisinnaatitaalluni. Uppersarsaatinik nalilinnik piginnittoq sinniisuutitani aqutugalugu najuussinanaavoq, ileqqusumik ataatsimeersuarneq qaammatinik 12'nik sioqqullugu pisoqaassuseqanngitsumik allakkatigut pisinnaatitsissut ulluligaq atorlugu. Inuutissarsiornikkut suleqatigiiffiup siulersuisuinut pisinnaatitsissut

tunniunneqassaaq ataatsimeersuarnermi ullormut oqaluuserisassanut akuerineqareersunut ilaappat.

- 7.6 Siulersuisut aaliangiisinnaapput, ataatsimeersuarnermut timikkut najuunnermut ilassutitut periarfissaassasoq, uppersaatinik nalilinnik piginnittut attaveqaatit sarfatortut atorlugit peqataasinnaanerat, taassuma ataani attaveqaatit atorlugit taasisinnaatitaanerat (ilaannakortumik attaveqaatit sarfatortut atorlugit ataatsimeersuarneq). Siulersuisut aaliangiisinnaapputaaq, ataatsimeersuarneq attaveqaatit sarfatortut kisiisa atorlugit ingerlanneqassasoq, taamalu timikkut najuussinaneq periarfissaatinnagu (tamakkiisumik attaveqaatit sarfatortut atorlugit ataatsimeersuarneq).
- 7.7 Ataatsimeersuarnermi aaliangiineq taamaallaat pisinnaavoq, siunnersuutit ullormut oqaluuserisassanut ilanngunneqarsimasut iluini, taakkunungalu atasumik allannguutissatut siunnersuutit iluini.
- 7.8 Ataatsimeersuarnermi aaliangiinerit tamarmik nalinginnaasumik amerlanerussuteqarneq tunngavigalugu pisassapput, inatsisitigut imal. uku ileqqoreqqusatigut allamik tikkuussisoqanngippat.
- 7.9 Ataatsimeersuarneq siulersorneqassaaq, siulersuisut toqqagaattut aqutsisumiit. Isumaqatiginninniarnert aqutsisumiit siulersorneqassapput aammalu qaqqit qanoq suliarineqarnerat, taasineq taassumalu inernera pillugit apeqqutini aaliangiisuulluni. Ataatsimeersuarneq sioqqullugu pisimasut pillugit nalunaarusiaq inuutissarsiornikkut suleqatigiiffiup isumaqatigiissutit pillugit nalunaarsuivianut ilanngunneqassaaq, aqutsisumiillu atsiorneqarluni. Kingusinnerpaamik ataatsimeersuarnermiit sap. akunn. marluk qanngiuppata, isumaqatigiissutit pillugit nalunaarsuiviup allaganngornera uppersaagaasoq uppersaatinik nalilinnik piginnittunut nassiunneqassaaq. Taamatullu piffissalikkamik isumaqatigiissutit pillugit nalunaarsuiviup allaganngornera uppersaagaasoq, aqutsisoqarfiup attaveqaatitigut atortorissaarutai aqqutigalugit Inuutissarsiornermut Aqutsisoqarfimmut nassiunneqassaaq.
- 7.10 Aggersaaneq
- 7.10.1 Uppersaatinik nalilinnik piginnittut inuutissarsiornikkut suleqatigiiffiup uppersaatit nalillit pillugit nalunaarsuiviani allassimasut, taakkulu nujagaattut allassimasut najoqqutaralugit, siulersuisut allakkatigut ataatsimeersuarnermut aggersaassapput, kingusinnerpaamik sap. akunneri marluk sioqqullugit aammalu siusinnerpaamik sap. akunneri sisamat sioqqullugit. Taamatullu piffissalikkamik aggersaassut Inuutissarsiornermut Aqutsisoqarfimmut nassiunneqassaaq.
- 7.10.2 Ataatsimeersuarnermi ullormut oqaluuserisassanik aggersaassut imaqqassaaq, ataatsimeersuarnermi siunnersuutit suliarineqartussat tamarmik immikkut

allaaserineri ilanngullugit, immikkullu ittumik ataatsimeersuartoqassatillugu tamatumunnga peqqutaasoq ilanngullugu. Ileqqoreqqusanut allannguutissatut imal. aaliangiiffigisassatut siunnersuutit, inatsisit imal. uku ileqqoreqqusat naapertorlugit nalinginnaasumik amerlanerussuteqarnikkut aaliangiisoqarsinnaanngippat, aaliangersakkani oqaaseqatigiit tamakkiisumik aggersaassummi issuarneqassapput.

7.10.3 Ataatsimeersuarnissaq kingusinnerpaamik sap. akunneri marluk sioqqullugit, ullormut oqaluuserisassat aammalu siunnersuutit tamakkiisut inuutissarsiornikkut suleqatigiiffiup allaffiani uppersaatinik nalilinnik piginnittuniit qimerloorneqarsinnaanngoreersimassapput.

7.10.4 Inuutissarsiornikkut suleqatigiiffiup sulisui suleqatinit toqqakkanik siulersuisunut ilaasortaaitaqarsinnaanermut pisinnaatitaappata, taannalu pisinnaatitaaffik atornerqarpat, aggersaassut nalunaarutigineqassaaq imal. inuutissarsiornikkut suleqatigiiffiup sulisuinut nassiunneqassaaq.

7.11 Ileqquusumik ataatsimeersuarneq

7.11.1 Inuutissarsiornikkut suleqatigiiffiup ileqquusumik ataatsimeersuarnera ukiut tamaasa ingerlanneqartassaaq ima piffissaatigisumi, ukiumoortumik nalunaarusiaq aaqqissugaq aamma akuerisaq kingusinnerpaamik qaammatit sisamat aammalu naatsersuutit naammassineranniit sap. akunneri pingasut kingorna Inuutissarsiornermut Aqutsisoqarfimmiit tiguneqareersimasinnaassalluni.

7.11.2 Ukiumoortumik nalunaarut kukkunerisuiusut oqaaseqaataat ilanngullugu, uppersaatinik nalilinnik piginnittunut nassiunneqassaaq, aammalu inuutissarsiornikkut suleqatigiiffiup allaffiani uppersaatinik nalilinnik piginnittunit qimerloorneqarsinnaanngortinneqarluni kingusinnerpaamik ataatsimeersuarnissaq ullunik 30'nik sioqqullugu.

7.11.3 Ileqquusumik ataatsimeersuarnermi ukiumoortumik nalunaarut kukkunerisuiusuniit oqaaseqaatalik ukiorlu qaangiuttoq pillugu nassuiaat saqqummiunneqassapput. Ileqquusumik ataatsimeersuarnermi ullormut oqaluuserisassat minnerpaamik makkuninnga imaqaassaaq:

1) Ukiumi qaangiuttumi inuutissarsiornikkut suleqatigiiffiup sulisimaneq pillugu siulersuisut nassuiaataat.

2) Ukiumoortumik nalunaarutip akuerinera.

3) Ukiumoortumik nalunaarusiaq akuerisaasoq naapertorlugu aaliangerneq, pillugit sinneqartoorutitik atuinissaq imal. amigartoorutitik matusinissaq.

4) Inuutissarsiornikkut suleqatigiiffiup ulluinnarni aqutsisuisa aamma sulisut siuttuusut akissaasersorneqarnerat pillugu siunnerfiit akuerineqarnerat.

5) Siulersuisuniit imal. uppersaatinik nalilinnik piginnittut siunnersuutigisimasinnaasaat.

6) Siulersuisunut ilaasortanik qinersineq, ilanngullugu siulittaasumik taasineq.

7) Siulersuisut akissaasersorneqarnerat pillugu annertussusiliineq.

8) Kukkuersiuisumik toqqaaneq.

9) Tamalaat.

7.12 Immikkut ittumik ataatsimeersuarneq

7.12.1 Immikkut ittumik ataatsimeersuarneq ingerlanneqassaaq, siulersuisut, inuutissarsiornikkut suleqatigiiffiup kukkuersiuisuisa imal. ataatsimeersuartut tamanna naapertuuttutut isigippassuk.

7.12.2 Immikkut ittumik ataatsimeersuarneq atorineqassaattaaq sammisamik erseqqissakkamik suliarinninnermut, akisussaaffigalugit aningaasaliissutinit 10 %'inik amerlanerusunilluunniit uppersaatinik nalilinnik piginnittuusut allakkatigut tamanna piumasarippassuk. Taamaattoqartillugu siulersuisut immikkut ittumik ataatsimeersuarnermut aggersaassapput, kingusinnerpaamik uppersaatinik nalilinnik piginnittut allakkatigut piumasaqarneranniit sap. akunneri marluk qaangiutsinnagit.

## **8. Aqutsineq**

8.1 Siulersuisut ulluinnarnilu aqutsisut inuutissarsiuteqarnikkut suleqatigiiffiup susassaarfii isumagissavaat. Ulluinnarni aqutsisut ulluinnarni inuutissarsiuteqarnikkut suleqatigiiffiup aqunneqarnera isumagissavaat.

8.2 Siulersuisut

8.2.1 Inuutissarsiuteqarnikkut suleqatigiiffiup siulersuisui sisamaniit arfinilinnut ilaasortaqaqput, ataatsimeersuartuniit ukiukkaartumik toqqaarneqartut. Ilaasortat tunuartussat toqqaarneqaaqqissinnaapput.

8.2.2 Ataatsimeersuarneq siulersuisunut nutaamik qinersiviususaaq sioqqulluarlugu, siulersuisut siulittaasuat uppersaatinik nalilinnik piginnittut eqqartueqatigissavai, pillugu siulersuisut qanoq inuttalerneqarnissaat. Tassunga atasumik siulittaasoq siulersuisunut ilaasortassatut siunnersuuteqarsinnaavoq.

8.2.3 Siulersuisunut nutaamik taasisoqartillugu, siulersuisunut ilaasortanngortinniakkat ajornanngippat piginnaasaqassapput aammalu inuutissarsiornikkut

suleqatigiiffimmut attuumassutilinnik ilinniagaqarsimanerat uppersarneqarsinnaassalluni. Siulersuisut tamarmiusut qaqugukkulluunniit inuutissarsiornikkut aqutsisinnaanikkullu tunngaviusumik piginnaaneqassapput, taamalu takornariaqarnikkut inuutissarsiummut, misigisassaqaqtitsinikkut inuutissarsiummut aammalu assarsornikkut inerititaqarsinnaanikkut eqqumiitsulianik inuutissarsiummut misilittagaqarlutillu ilisimasaqassapput.

#### 8.2.4 Siulersuisunut ilaasortaq:

- 1) Inatsisartunut imal. Naalakkersuisunut ilaasortaassanngilaq.
- 2) Akiliisinnaajunnaarneq peqqutigalugu suliamik ingerlatsivigineqassanngilaq.
- 3) Akileraartarnermut inatsit imal. pinerluttaalisitsinermi inatsit naapertorlugit aningaasatigut annertuumik pinerlussimasutut pineqaatissinneqarsimassanngilaq.
- 4) Sivisunerusumik napparsimaneq imal. allatut sanngiillineq peqqutigalugu suliasaminik isumaginnissinnaajunnaarsimassanngilaq.
- 5) Nalorngissutaanngitsumik suliasaminut naleqqutinngittuussanngilaq.
- 6) Ataqqinassutsimut innarliisumik ima iliuseqarsimassanngilaq, suliamik tiguisinnaanera apeqquserneqarsinnaanngorlugu.

#### 8.2.5 Qinigaaffiup qaangiutinnginnerani siulersuisunut ilaasortaq suliaminit tunuarpat, kingunerisaanillu siulersuisunut ilaasortaq nutaaq ivertinneqarpat, siulersuisunut ilaasortaq nutaaq qinigaaffiup sinnerani atuutissaaq.

#### 8.2.6 Ataatsimeersuartut silersuisut siulittaasuannik toqqaassapput. Siulersuisut suleriaasaanni erseqqinnerusumik aaliangersakkat naapertorlugit, siulersuisut siulittaasup tullianik ivertitsissapput, siulittaasup peqanngiffiani siulittaasoq sinnerlugu atuuttussamik. Siulittaasoq aamma siulittaasup tullia ukiumut marlunnut atuuttumik qinigaassapput. Siulittaasoq aamma siulittaasup tullia qinigaqqissinnaapput.

#### 8.2.7 Siulersuisut isumagissavaat, inuutissarsiornikkut suleqatigiiffiup sulinera illersorneqarsinnaasumik sukaterneqarsimanissaa. Isummerfigalugulu inuutissarsiornikkut suleqatigiiffiup ingerlannerani aningaasaqarnikkut piareersimanera qaqugukkulluunniit illersorneqarsinnaanersoq. Aammalu nalunaarsuineq, pigisanik nalilinnik ingerlatsineq, kiisalu inatsisinik eqqortitsisoqarnera inuutissarsiornikkut suleqatigiiffimmi atuuttut naapertorlugit naammaginartumik nakkutigissallugit.

#### 8.2.8 Siulersuisunut ilaasortat ukiumoortumik akissaasersorneqassapput, ukiumut aggersumut annertussusaa ataatsimeersuartuniit aaliangigaasumik.

- 8.2.9 Ataatsimeersuarnermut atasumik taasinissaq sioqqullugu, siulersuisunut ilaasortat tamarmik paasissutissiissapput, Kalaallit Nunaanni inuutissarsiornikkut suleqatigiiffinni allani aqutsisutut inissimaneq pillugu. Inuutissarsiornikkut suleqatigiiffiup ataani inuutissarsiornikkut suleqatigiiffinni tamakküsumillu pigineqartuni sulineq minillugu.
- 8.2.10 Nalinginnaasumik amerlanerussuteqarneq naapertorlugu siulersuisut aaliangiissapput. Tasinerni naligiittoqartillugu, siulittaasup taasimera aaliangiisuusaaq.
- 8.2.11 Suleriutsumik erseqqissaanikkut, siulersuisut suliaminnik qanoq iliusingortitsinissaat aaliangersaavigineqassaaq.
- 8.2.12 Silersuisut ataatsimiinnerini qaqqineqartut isumaqatiginninniarnernut nalunaarsuivimmut allanneqassapput, siulersuisunullu ilaasortanit tamanit atsiorneqarluni.
- 8.2.13 Siulersuisunut ilaasortatut ilisimalikkatik eqqarsaatigalugit, siulersuisunut ilaasortat tamakküsumik nipangiusimasussaataapput. Pissutsit siulersuisuniit avammut tusarliunneqartussatut aaliangiivigineqarsimasut imal. inatsisit malillugit toqqaannartumik avammut tusarliunneqartussaataasut minillugit.
- 8.2.14 Ataatsimeersuartut periarfissaqarput inummik inunnilluunniit immikkut suliakikkikanik taaseqataasinnaangitsunilli, siulersuisunut akuutitsinissaminnut.
- 8.3 Ulluinnarni aqutsisut
- 8.3.1 Siulersuisut ulluinnarni aqutsisunik atorfinitsitsissaaq ataatsimik ilaasortalimmik.
- 8.3.2 Ulluinnarni aqutsisup inuutissarsiornikkut suleqatigiiffiup ulluinnarni aqunneqarnera isumagissavaa, taamalu siulersuisut maligassiisutaat innersuussutaallu naapertorlugit sulissalluni. Ulluinnarni aqutsisup isumagissavaa, inatsisit naapertorlugit inuutissarsiornikkut suleqatigiiffiup nalunaarsuimera pissasoq, taamalu pigisanik nalilinnik ingerlatsinerup tutsuviginartumik pinissaa.
- 8.3.3 Ileqqoreqqusat immikkoortuat 8.2.4 taamatuttaaq ulluinnarni aqutsisumut atuuppoq.
- 8.4 Atsiorsinnaatitaaneq
- 8.4.1 Inuutissarsiornikkut suleqatigiiffik sinnerlugu atsiorsinnaatitaaneq ulluinnarni aqutsisumiit siulersuisut siulittaasuat peqatigalugu pissaaq. Imal. siulersuisunut siulittaasumiit silersuisunut ilaasortaqq ataseq peqatigalugu. Imal. siulersuisunut ilaasortanit ataatsimut pingasuusuniit, imal. siulersuisut ataatsimut.

## 9. Naatsersuutit aamma kukkuneruineq



- 9.1 Inuutissarsiornikkut suleqatigiiffiup ukiumut naatsersuutaasa ullorsiutit ukiuat malippaat.
- 9.2 Inuutissarsiornikkut suleqatigiiffik ukiumoortumik nalunaarusiortassaaq aammalu ukiup affaanut nalunaarusiortassalluni.
- 9.3 Ukiumut nalunaarusiaq kukkunersiuisumit naalagaaffimmit akuerisaasumit ataatsimiit marlunnilluunniit kukkunersiorneqarsimassaaq.
- 9.4 Inuutissarsiornikkut suleqatigiiffiup kukkunersiuisui ukioq ataaseq atuuttussatut ataatsimeersuartuniit toqqarneqartassapput. Toqqarneqaqqinneq pisinnaavoq.
- 9.5 Uppernarsaatinik nalilinnik piginnittut kissaateqarnerat aallaavigalugu, kukkunersiuisut uppernarsaatinillu nalilinnik piginnittut kukkunersiuiineq pillugu inuutissarsiornikkut suleqatigiiffiup ileqquusumik ataatsimeersuarnissaa sioqqullugu, ukiut tamaasa naapeqatigiittarput. Kukkunersiuiinnermi nipangiusimasussatitaaneq naapertuuttumik ataqqillugu ataatsimiinnermi sammivigineqassaaq inuutissarsiornikkut suleqatigiiffiup ukiumoortumik nalunaarutaa. Tassuunakkut siunertaralugu, uppernarsaatinik nalilinnik piginnittut ataatsimeersuarnermi tullinguuttumi qaammaasaqarlutik aaliangiinissaminnut tunngavissaqarluarnissaat.

\*\*\*\*\*

Taama akuerineqartoq ulloq 4. juni 2015.

Aqutsisoq:

Finn Meinel